



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XIX.

urn:nbn:de:hbz:466:1-15653

cesso incepit dicere, quod videbat certa capitula concordata inter dominos cardinales & communitatem Florentinorum, in quibus inter cetera continebatur, quod nullus huc veniens posset impugnare facta in Concilio, vel contra venire, & quod habebat aliqua dicere, quæ forte non bene conueniebant actis in hoc Concilio: ideo non poterat proponere iniuncta ad plenum, nisi daretur sibi securitas, quod non obstantibus ipsis capitulis posset libere loqui: & de hoc supplicabat. Cui per cardinalem Aquileiensem fuit responsum, quod omnes domini cardinales erant præsentis, & quod non habebant potestatem dispensandi contra dicta capitula, & quod si vellet loqui, quod loqueretur prout crederet expedire, alias non. Quo audito, legati regis Arragonum & dicti Petri de Luna nuntii locuti sunt ad partem, & dixerunt quod volebant latius dicta capitula videre, & amplius deliberare: & petierunt dilationem ad crastinum, quæ fuit eis concessa. & recesserunt dicti nuntii Petri de Luna cum magno timore. Quo crastino adueniente, quæ fuit dies Sabbati decima quinta Iunii, supra nominati nuntii Petri de Luna, nulla audientia ulterius petita, hospite insalutato recesserunt.

SESSIO XIX.

Dicta die Sabbati, decima quinta Iunii, seruatis solennitatibus & ceremoniis vt supra consuetis, fuit Missa celebrata in dicto Concilio in ecclesia cathedrali, de sancto Spiritu, per archiepiscopum Lugdunensem, & factus sermo per episcopum Nouariensem, qui cepit pro themate: *Eligite meliorem, & eum ponite super solium*, 4. Regum, decimo capitulo, &c. & peroptime deduxit illam materiam, & ipso finito, Concilium recessit.

Eadem die Sabbati hora Vesperarum, domini cardinales numero viginti quatuor intrauerunt in conclaue cum magna deuotione, & erat deputatus ad custodiendum conclaue magister Rod. prout fecit cum pluribus aliis notabilibus viris, in domo domini archiepiscopi dictæ ciuitatis: & ibidem steterunt vsque ad diem Mercurii, vigesimam sextam dicti mensis Iunii.

Die autem Mercurii, vigesima sexta dicti mensis Iunii, omnes domini cardinales vnanimiter, nullo reclamante,

ANNO
CHRISTI
1409.

existentes in prædicto conclauis, de mane circa horam Tertiarum, elegerunt in summum pontificem reuerendissimum in Christo patrem & dominum, dominum Petrum de Candia tituli basilicæ duodecim apostolorum presbyterum cardinalem Mediolanensem nuncupatum, ordinis fratrum Minorum, nunc vero Alexandrum papam V. ipse siquidem papa post suam assumptionem ordinauit vnam sessionem pro Concilio tenendo, videlicet ad diem Lunæ primam mensis Iulii proxime sequentis.

SESSIO XX.

Qua die Lunæ adueniente, fuit celebratum Concilium in ecclesia Pisana, vt supra: ac solennitatibus & ceremoniis seruatis, cardinalis de Thureio celebravit Missam: postmodum fuerunt cantata solita cantari, & litanie cum multis orationibus, & fuit lectum euangelium per vnum diaconum cardinalem: postea papa incepit hymnum, Veni creator Spiritus, &c. Et omnes de Concilio responderunt. Quo cantato, cathedra papæ fuit alte posita ante magnum altare in medio, & ab opposito ipsius, versus occidentem, in vltima parte ipsius Concilii, fuerunt positæ tres altæ & magnæ cathedræ pro tribus patriarchis, scilicet Alexandrino, Antiocheno & Hierosolymitano, qui ibidem sederunt: & postea de mandato papæ ibidem præsentis, fuit lectum decretum suæ electionis, in quo omnes cardinales se subscripserant. Quo lecto, cardinalis de Chalanco rogauit Concilium vt oraret pro statu papæ & sanctæ Romanæ ecclesiæ. Quo facto, papa fecit vnum sermonem, themate sic incipiente: *Erit vnum ouile & vnus pastor*: multa pulcra dixit, narrando quomodo pastor se habere debet erga gregem, & grex erga Deum: & regratiabatur cardinalibus, & promittebat multa bona facere eis. Quo facto cardinalis sancti Eustachii dictus Bononiensis, ascendit pulpitem, & ex parte papæ Alexandri V. aliqua promulgauit, quæ ordinauerat dictus dominus noster papa.

Et primo, omnes processus, sententias & ordinationes factas per dominos cardinales circa factum vnionis ecclesiæ, a die tertia mensis Maii anni Domini millesimi quadringentesimi octauis, & omnia facta in Concilio generali approbauit & ratificauit, & omnem defectum iuris & fa-